



PROGRAM PODRŠKE MARGINALIZIRANIM GRUPAMA (PPMG)

JULI 2016.

ZAVRŠEN CIKLUS TRENINGA ZA KORISNIKE GRANTOVA



USAID/PPMG je u periodu 12-14.7.2016. g. organizirao trening o temi Izrada strateških planova. Trodnevni trening je održan u Tesliću a prisustvovalo mu je 11 predstavnika/ca organizacija koje su korisnici grantova USAID/PPMG.

U okviru uvodnog izlaganja trener je održao sesiju o značaju strateškog planiranja kao i o njegovim osnovnim principima. U okviru uvoda u strateško planiranje trener je naveo tri ključna pitanja koje strateško planiranje obuhvaća te istakao koje su koristi ali i zapreke strateškom planiranju. Govoreći o osnovnim koracima strateškog planiranja olakšao je učesnicima/ama diskusiju prilikom grupnog rada i određivanja misije i vizije organizacije.

Nakon sesije o načinu određivanja temeljnih vrijednosti organizacije učesnici/e su imali/e priliku čuti o značaju analiza korisnika/ca i njihovih potreba prilikom izrade strateškog plana.

Trener je učesnicima/ama skrenuo pažnju na pitanja koja treba razmotriti kada određujemo moguće korisnike i njihove potrebe.

Prilikom sesije o značaju analiza i njihovoj izradi navedene su prednosti ali i nedostaci analiza koje se najčešće koriste u praksi.

Učesnici/e su prilikom grupnog rada uz mentorstvo trenera imali priliku savladati definiranje ključnih pitanja i strateških fokusa. Također, imali su priliku naučiti na koji se način definiraju strateški i operativni ciljevi i indikatori.

SADRŽAJ

Završen ciklus treninga za korisnike grantova	1
Održan sastanak s predstavnicima Centra za profesionalnu rehabilitaciju, prekvalifikaciju i osposobljavanje osoba sa invaliditetom i drugih teško zapošljivih kategorija	2
USAID/PPMG podržao projekt „Krug ljubavi”	3



USAID
OD AMERIČKOG NARODA



Učesnici/e su imali/e mogućnost sticanja vještina korištenja interventne logike u procesu kreiranja operativnih ciljeva. Trener ih je upoznao s načinom kreiranja plana monitoringa provođenja strateškog plana ali i s različitim formama strateškog plana. U okviru treninga, predstavnik Fondacije CURE održala je sesiju o temi Rodne ravnopravnosti u kontekstu teme. Na početku sesije predstavila je učesnicima/ama pojmove kao što su rod, spol, rodna ravnopravnost, rodna pitanja

i rodne uloge a u nastavku sesije govorila je o efektu jednakosti kao metodi koju koriste organizacije koje žele postići veću jednakost i biti inkluzivnije za sve ciljane grupe.

Ovim treningom završen je ciklus treninga koje USAID/PPMG organizirao u proteklom periodu za korisnike grantova u cilju jačanja njihovih organizacijskih kapaciteta.

ODRŽAN SASTANAK S PREDSTAVNICIMA CENTRA ZA PROFESIONALNU REHABILITACIJU, PREKVALIFIKACIJU I OSPOSOBLJAVANJE OSOBA SA INVALIDITETOM I DRUGIH TEŠKO ZAPOŠLJIVIH KATEGORIJA Ce

U okviru aktivnosti kojima Program podrške marginaliziranim grupama (USAID/PPMG) pruža pomoć korisnicima u jačanju vlastitih organizacijskih kapaciteta 20. jula 2016. g. održan je radni sastanak s predstavnicima/ama Centra za profesionalnu rehabilitaciju, prekvalifikaciju i osposobljavanje osoba sa invaliditetom i drugih teško zapošljivih kategorija - ProReha. Tim za organizacijski razvoj tokom susreta je prezentirao brojne alate koji će korisnicima grantova pomoći da izvrše procjenu kapaciteta organizacije ali i olakšaju proces monitoringa i evaluacije projekata. Jedan od njih



je i procesa samoprocjene organizacijskih kapaciteta (OCA). Cilj je pomoći udruženjima da sami procijene kritične elemente vezane za sve aspekte njihovih institucionalnih kapaciteta i identificiraju one zone u kojima ih je potrebno dodatno ojačati. OCA proces rezultat će kreiranjem i provedbom plana izgradnje kapaciteta za oblasti za koja udruženja procijene da je potrebno jačati.



USAID
OD AMERIČKOG NARODA

Za predstavnike Centra pripremljena i kratka prezentacija vezana za finansijsko izvještavanje koja ima za cilj olakšati finansijskim službenicima budući rad. Predstavnicima/e organizacija iskoristili su priliku i postavili brojna pitanja koja su im pomogla da shvate šta se u sklopu finansijskog izvještavanja od njih očekuje. Tim za organizacijski razvoj ovog Programa pružat će

savjetodavnu podršku navedenim udruženjima tokom cijelog OCA procesa. Na sastanku je istaknuta važnost ozbiljnog pristupa i kontinuiranog rada kako bi se postigli očekivani ciljevi i rezultati predviđeni projektima. Također, najavljene su i posjete organizacijama u sklopu kojih će projektni tim pružati podršku organizacijama ali i vršiti monitoring realiziranih projektnih aktivnosti.

USAID/PPMG PODRŽAVA PROJEKT „KRUG LJUBAVI“

U Sarajevu je 28.7.2016. g. potpisan ugovor o dodjeli granta između Američke agencije za međunarodnu saradnju (USAID) i Udruženja građana „Srce puno osmijeha“. USAID-ov Program podrške marginaliziranim grupama (USAID/PPMG) finansirat će projekt pod nazivom „Krug ljubavi“ a koji će implementirati Udruženje građana „Srce puno osmijeha“.

Projektom se nastoji doprinijeti unaprjeđenju položaja djece iz ugroženih kategorija, poboljšati psihološko stanje djece te povećati socijalna uključenost mladih s posebnim potrebama.

Aktivnosti koje će biti realizirane imaju za cilj kreiranje što poticajnijih uslova za interakciju tipične djece sa djecom iz marginaliziranih grupa te unaprijediti socijalnu inkluziju djece sa poteškoćama. Također, posebna pažnja će biti posvećena osnaživanju volontera za samostalan rad s djecom i mladima s psihičkim i fizičkim poteškoćama ali i osposobljavanje volontera za pružanje pomoći djeci i mladima s poteškoćama. Ostvarivanju ciljeva projekta će svakako doprinijeti i saradnja s



institucijama koje pružaju zdravstvenu i psihološku pomoć djeci iz marginaliziranih grupa ali i ustanovama za odgoj i obrazovanje djece. Neke od aktivnosti koje su planirane projektom su: umjetničke, sportske i muzičke radionice, lutkarske i putujuće predstave, posjete Pedijatrijskoj klinici u Sarajevu te kreativne radionice za djecu u Zavodu u Mjedenici. Udruženje planira provesti i istraživanje o utjecaju Klauin-terapije na pacijente Pedijatrijske klinike. Aktivisti Udruženja „Srce puno osmijeha“ će u sklopu svojih

aktivnosti u narednom periodu organizirati i različite treninge namijenjene jačanju kapaciteta organizacije kroz osnaživanje i obrazovanje volontera te će se na taj način stvoriti preduvjeti za održivost projekta i nakon godine dana. Projekt će se provoditi se u 6 lokalnih zajednica: Sarajevo, Pale, Banja Luka, Mostar, Doboj, Prozor-Rama u periodu od godinu dana. Vrijednost projekta je 22.000,00 KM.



USAID - Program podrške marginaliziranim grupama (PPMG)

Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba